

ՄԻՋԻՆ ԴԱՐԵՐ

ԼՈՐԵՏՏԱ ՂԱՆԵՂՅԱՆ

ՀԱՅ ԵՎ ՄԱՅՍԵՂԱԿԱՆ ՄԻՋՆԱԴԱՐՅԱՆ ԱՂԱՆՂԱՎՈՐԱԿԱՆ ՇԱՐԺՈՒՄՆԵՐԻ ԳԱՂԱՓԱՐԱԿԱՆ ԱՂԵՐՍՆԵՐԸ

Աղանդավորական շարժումները սկիզբ են առել տակավին քրիստոնեության շեմին (հետագայում ստանալով «գնոստիկյան» անվանումը), իսկ մահմեդական աշխարհում դրանք գոյություն են ունեցել դեռևս մախախլամական շրջանում (մանիքեական, մագդաքյան ևն), հիմք ծառայելով մահմեդական աղանդավորական-ապստամբական շարժումներից շատերի համար:

Սեր խնդրո առարկան միջնադարյան աղանդավորական-ապստամբական ժողովրդական շարժումներն են, որոնք այս կամ այն աղանդավորական դրոշի ներքո սոցիալ-տնտեսական, իրավական խնդիրներ են առաջ քաշել և վերաճել հիմնականում հակաֆեոդալական ու հակախլամական շարժումների: Ս. Մելիք-Բախշյանի բնութագրմամբ՝ «Միջնադարյան Հայաստանում առաջացած աղանդավորական շարժումները, ըստ էության, դասակարգային հակասությունների հիմքի վրա առաջացած շարժումներ էին»:

Պատմությունն արձանագրել է քաղում աղանդավորական շարժումներ: Հիշենք՝ մեսալյան (մեղավորական), քոնդրակյան, պավիկյան, Մեխլուի, Մուքաննայի, Բաբեքի (քուռամյան), Մուրատ-Մոզի, Աբու-Մուսլիմի, զինջերի, կարմատների, ալավիների, իսմաիլականների և այլ աղանդավորական շարժումները, որոնցից շատերը մեծ տարածում են ունեցել և խոր հետք թողել ժողովուրդների պատմության մեջ:

Ցավոք, այս շարժումների ուսումնասիրությունը դժվարությամբ ու դանդաղ է ընթանում², և դա՝ ոչ միայն աղբյուրների սղության պատճառով: Հայտնի է աղանդների նկատմամբ հայ իրականության մեջ եղած խիստ բացասական վերաբերմունքը, որի հետևանքով ոչ միայն եկեղեցական այրերը, այլև պատմիչները, բանաստեղծները, հիշատակագիրները մակդիրներ չեն խնայել՝ նշավակելու աղանդները և նրանց հետ սերտորեն առնչվող

ժողովրդական շարժումները: Միջնադարյան ընկալմամբ աղանդը մինչև ուղնուծուծը դատապարտվել է, այն հերժվածոգություն է, շեղում «արքունի պողոտայից», ընդվզում, անջատողականություն, ընդունված սրբություններին հակառակ: Նույն որակումները տրվում են աղանդավորական-ապստամբական շարժումներին, թող որ դրանք չարքաշ կյանք վարող աշխատավորական զանգվածների ընդվզում էին աղանդի քողի տակ՝ ընդդեմ իրենց հարստահարողների:

Դիտենք հարցը մահմեդական իրականության մեջ: Նույն պատկերն է: 17-րդ դարի պարսից շահ Աբբաս Մեծի պալատական պատմիչ Իսքանդար Մուհշին աղանդավորական շարժման և, ընդհանրապես, որևէ ապստամբության մասնակիցներին անվանում է «աջամեր վա օտբաշ» («հասարակության տականքներ»): Նույն կերպ է բնութագրում 16-րդ դարի պարսից պատմիչ Հասան-բեկ Ռումուն, օր.՝ 1571թ. Թավրիզի ապստամբության մասնակիցներին, ավելացնելով նաև այլ մակդիրներ ու որակումներ, ինչպես՝ «աջաֆ» («ստորին խավեր», «տունդուկ» «թափափուկներ» ևն): Արաբական աղբյուրները ևս աչքի են ընկնում աղանդավորական շարժումների նկատմամբ արհամարհական արտահայտություններով: Մ. Տսմարայի հաղորդմամբ, Բաբեքի հետևորդները, որոնք ապստամբել էին իշխանությունների դեմ, արաբ պատմիչների կողմից անվանվում էին «անհավասարադարներ», «ստոր ամբոխ»³: Արաբական խալիֆաթի տիրապետության ենթակա տարածքների տարբեր ժողովուրդների աղանդավորական շարժումները միանշանակ ուղղված էին խալիֆաթի դեմ և աներկբայորեն զնահատվում էին իշխանությունների կողմից իբրև անբարո արարք:

Անշուշտ, և՛ հայ, և՛ մահմեդական իրականության մեջ իշխած այս տեսակետներն աղանդավորական շարժման վերաբերյալ որևէ նպաստավոր տեղեկություն չէին կարող թույլ տալ: Ուսումնասիրողին մնում է լրացնել այդ պակասը՝ հետազոտելով աղանդավորների նկատմամբ գոյություն ունեցած հակամարտության պատմությունը, այսպես ասած՝ «թշմամական» տեղեկությունը, որը որոշակիորեն ուշագրավ նյութ է տալիս հետազոտողին:

Աղանդավորական շարժումների պատշաճ ուսումնասիրության խոչընդոտ պատճառներից է նաև տեքմիկների իմաստների հստակության բացակայությունը, որը, առհասարակ, գիտական շատ հարցերի հետազոտման «աքիլեսյան գարշապարն» է: Գաղտնիք չէ, որ տեքմիկների կամայական գործածությունը քիչ խառնաշփոթություն չի առաջացրել գիտության մեջ: Այսպես է ստացվել նաև կրոն, աղանդ, կրոնական քն կամ ճյուղ, հոսանք և հարակից բառ-տեքմիկների հարցում, երբ տարբեր հեղինակների մոտեցումներում միասնություն չկա: Այլ խոսքով խախտվել է «իբերն իրենց անուններով կոչելու» սկզբունքը:

Ոչ պակաս խառնաշփոթ է տիրում աղանդների անվանումների հարցում: Այստեղ պատճառը գլխավորապես աղանդների փոխներթափանցումն ու նրանց միջև կրոնափիլիսոփայական ուսմունքների սերտ կապն է: Սակայն

երբեմն առանձին մանրամասների նույնությունն է դեր խաղացել:⁴ Ուստի աղբյուրներում հաճախ կարելի է հանդիպել փաստերի, երբ պալիկյաններին շփոթում են մանիքեականների հետ, իսկ վերջիններիս՝ 3-րդ դարից հետո ծայր առած մի շարք այլ շարժումների մասնակիցների հետ: Հովհան Օճնեցու մոտ կարդում ենք. «Չպետք է չարադանդ մծղնեակների, որոնք կոչվում են պալիկյաններ, օթևանելու տեղ տալ կամ միանալ նրանց...»:⁵ Նկատելի է «մծղնեական» (կամ մեսալյան) աղանդի անվան գործածումը որպես հերետիկոսների հավաքական անուն:

Սակայն այս կարևոր հարցի լիարժեք հետազոտումը կասեցնող թիվ առաջին խոչընդոտը, կարծում ենք, պետք է դիտել այն իրողությունը, որ հարցի ուսումնասիրությունը տարվել է մեծ մասամբ միակողմանիորեն, առանց մյուս աղանդավորական շարժումների հետ ունեցած գաղափարական կապերի հետազոտման: Մինչդեռ յուրաքանչյուր աղանդավորական շարժման և սահմանակից երկրներում տեղի ունեցած ժողովրդա-աղանդավորական ապստամբությունների միջև գաղափարական գույառիպումները բազմաթիվ են: Ուստի և այլ շարժումները պետք է լուսաբանվեն վաղիկապակցված:

Նման մոտեցմանն առանձին կարևորություն էր տալիս ակադ. Ա. Հովհաննիսյանը, որին պետք է արժանին մատուցել: «Չեն ուսումնասիրված, - գրում է նա, - կամ վատ են լուսաբանված, մանավանդ, քոմդրակյանների և Հայաստանի սահմանակից կամ պատմականորեն նրա հետ առնչված ժողովուրդները՝ աղանդավորական շարժումների միջև եղած կապերը»:⁶

Նույնը կարելի է ասել մահմեդական, բյուզանդական և այլ աղանդավորական շարժումների հետազոտման մասին, որոնք, անտարակույս, չէին կարող զերծ մնալ ըմբոստության «թափառող» ալիքներից: Թե որքան վարակիչ էին աղանդավորական շարժումները և ինչ արագությամբ էին նրանք տարածվում շրջակա երկրներ, դիպուկ է 9-րդ դարում Բյուզանդիայում բռնկված՝ Թովմա Գազիրացու ապստամբության (820-824) օրինակը, որից տպավորված՝ Բյուզանդիայի Միքայել 2-րդ կայսրը գրում էր, թե ճարակելով կայսրությանը սահմանակից արևելյան երկրները, այդ ապստամբությունն ընդգրկել է իբերներին, հայերին, արխագներին և ուրիշ ժողովուրդների: Իսկ հույն պատմիչ Գենեզիոսը նույն ապստամբության մասին հաղորդում է. «Ոչ ոք անհաղորդ չէր մնում նրան՝ ո՛չ արևելքից, ո՛չ արևմուտքից, ո՛չ օտար ցեղերից, ո՛չ տեղացիներից, ո՛չ հարևաններից...»:⁷

Կասկածից վեր է, որ մյան ազդեցիկ շարժումները չեն կարող ուսումնասիրվել մեկուսի: Եզրահանգումը մեկն է. աղանդավորական շարժումների միջև կապերը պետք է դառնան հատուկ ուսումնասիրման առարկա:

Բովանդակությամբ պետք է նշել, որ աղանդավորական շարժումների հետազոտումն արդեն իսկ երևակել է այդ շարժումների միջև բազմաթիվ ընդհանրությունների առկայության փաստը և՛ ժամանակի, և՛ տարածության մեջ, մաև այն իրողությունը, որ շարժումները երբեմն այն աստիճան «շարժուն» են եղել, որ նրանցից ոչ բոլորի ծննդավայրը հստակորեն կարելի է ո-

բոշել, մյուս կողմից, միևնույն շարժումը, օր.՝ մանիքությունը (3-րդ դ.). որը «շրջել է» Պարսկաստանում, Հայաստանում, Վրաստանում, Չինաստանում, Հնդկաստանում և այլուր, կարելի է վերագրել մի քանի ժողովուրդների, քանի որ յուրաքանչյուր երկրում, որտեղով խորշակի պես անցել է շարժումը, խմորումներ է առաջացրել և որոշակի հետք է թողել նրանց ժողովուրդների պատմության մեջ:

Ի մոտ ծանոթությունն աղանդավորական շարժումներին՝ գնոստիկյան և նախահիսլամական շրջանից սկսած մինչև ուշ միջնադար, թույլ է տալիս վստահորեն խոսելու հայ և մահմեդական միջնադարյան աղանդավորական շարժումների վտխմեքափանցիկ լինելու մասին՝ նրանց զաղափարախտությունից մինչև կազմակերպչական և այլ մամրամասներ:

Մեզ համար, անշուշտ, առանձին հետաքրքրություն են ներկայացնում զաղափարածոության այն դրսևորումները, երբ աղանդավորական շարժումն իր շուրջն է համախմբել տարակրոն հասարակական շերտերի, մասնավորապես՝ հայ և մահմեդական: Դրա ցայտուն օրինակն է հայ իրականության մեջ հանդես եկած, այսպես կոչված՝ Մեխլուի շարժումը⁸, որը ծավալվեց 17-րդ դարի սկզբին՝ իբրև արձագանք այդ շրջանում տարածում գտած եկեղեցական-վանական քստմենիի բարբերի:

Աղբյուրները (Ա. Դավրիժեցի, Գր. Դաբանաղցի, բազում ձեռագրերի հիշատակարաններ, ժամանակագրություններ ևն) միաբերան վկայում են, որ 15-17-րդ դդ. Հայաստանում վանական բարբերի անկում էր տիրում: Հայ եկեղեցականների բարոյալքումը, ձգտումը շվայտ կյանքի, եպիսկոպոսների, քահանաների ձեռնադրումն «արծաթով», համատարած կաշառքը, եկեղեցու վերածումը վաճառանոցի, այլ խոսքով՝ եկեղեցուն անհարիր մթնոլորտի առկայությունը ստիպում էր կաթողիկոսներին ժամանակ առ ժամանակ որոշակի միջոցներ ձեռնարկել՝ կարգի հրավիրելու օրինազանց եկեղեցականներին:⁹ Այս մթնոլորտը ներառում էր նաև վանականների սեփականատիրական ձգտումները, մասնավորապես՝ եկեղեցական հալատիրաքյան աճը և վանական կալվածատիրության ծնած հետևանքները, որ առանձնապես վնասակար անդրադարձում էր ունենում եկեղեցուն ենթակա հոտի, քնակչության ճնշվող ու շահագործվող աշխատավոր խավի տնտեսական վիճակի վրա: Այսպիսով, բարձրանում էր վերջիններիս դժգոհության ալիքը, և հաճախ վտքբիկ առիթը լցնում էր համբերության բաժակը՝ ծնունդ տալով ժողովրդական հուզումների, որոնց ամենաընդունված ձևը աղանդավորական-ասպտամբական շարժումն էր:

Ահա այսպիսի ժողովրդական ըմբոստության պոթքություններից էր Մեխլուի շարժումը:¹⁰ Մեխլուն¹¹ բնիկ զանձակեցի էր և Գանձասարի Հովհաննես կաթողիկոսի հավանությամբ ստացել էր ավագ սարկավագի հոգևոր կոչում: Վերը նկարագրված վանական մթնոլորտը Մեխլուի վրա բացասական ներգործություն է ունենում և հակակրանք ծնում հանդես հոգևոր դասը, որի դեմ էլ նա սկսում է քարոզել, շրջագայելով նախ Աղվանից աշխարհում, ապա

Գեղամա գավառում և շրջակա վայրերում: Անշուշտ, այս վարքագիծը չէր կարող անհետևանք մնալ, ուստի նա գրկվում է վերաբից և ի վերջո հալածվում ինչպես կաթողիկոսի, այնպես և խանի կողմից: Մակայն դրա վախճանն Մեխլուի շուրջը համախմբվում են մեծաթիվ հետևորդներ, որոնց ռզևում էին նրա գաղափարները՝ վանական կեղեքումների դեմ, ի պաշտպանությամբ չքավոր աշխատավորական զանգվածին: Մեխլուին արձագանքում էին վանական կալվածքներում շահագործվող գյուղացիները, որոնց մեջ կային և՛ հայեր, և՛ արդրեջանցիներ: ԵՎ նրանց թիվը գնալով աճեց այնքան, որ շաժմանը ժամանակակից Գր. Դարանաղցու պատկերմամբ՝ «մերեխակոյտ» էին հիշեցնում: Իսկ Ջաքարիա Մարկավագի խոսքերով՝ նրանց թիվն ավելի քան հինգ հարյուր էր («ԳԸ»): Մեխլուի գաղափարական հիմքում ուշագրավն այն էր, որ նա խտրություն չէր դնում կրոնների միջև, Քրիստոսի ու Մահմեդի միջև, և նրան հետևում էին ինչպես քրիստոնյաներ, այնպես և մահմեդականներ: «Եւ այսպէս տարածեցաւ խաբերա անունը նորա ի մէջ Տաճկաց և Քրիստոնէից»- պատմում է Ջաքարիա Մարկավագը:¹² Մեխլուին հարում էին նաև այլ եկեղեցականներ, որոնք մուսուլման դժգոհ էին վանական կեղեքումներից: «Գռնեիկ աշխարհականք և ռամիկք, այլ և տգետք երիցունք, և փարթամ և մեծագգի մարդիկք»- այսպես է թվարկում Ջաքարիա պատմիչը շարժման մասնակիցների խմբերը, որից ակնհայտ է, որ Մեխլուին սատարում էին նաև հասարակության վերնախավից:¹³ Պետք է ենթադրել, որ վերջիններս հենց այն ջողայեցիներն էին, որոնց մասին Գր. Դարանաղցին վկայում է իբրև Մեխլուին աջակցողների (հիշենք՝ 17-րդ դ. ջողայեցիների ընչեղ ապրելակերպը հանրահայտ փաստ է):

Մեխլուի գայրությանը հարուցում էին հատկապես աբեղաները, որոնց նա անվանում էր «շնացողք և պիղծ»: Դառնալով նրանց հալածիչը, Մեխլուն իր զինված ջոկատին հրահանգում էր բռնագրավել նրանց գույքը, սեփականությունը և որտեղ աբեղա էր տեսնում, «մերկացուցանէր և բրածենձ ամներ»:

Մեխլուի գաղափարախոսության համար աղբյուր էր «գիրք մի ժողովածու», որը վկայակալելով նա քարոզում էր հոգևորականների արժանապալել վարքագծի պահանջները, օր.՝ որ հոգևորականները չպետք է ստանան ո՛չ ոսկի, ո՛չ արծաթ: Բռնագրավելով հոգևորականների ունեցվածքը, Մեխլուն, փաստորեն, իրականացնում էր աղանդավորական-ապստամբական շարժումներից շատերին բնորոշ՝ ունևորների սեփականագրկման պահանջը: Եվ քանի որ շահագործման դեմ պայքարը գոհացնում էր մուսլիմ շահագործման բեռի տակ կքած և՛ հային, և՛ մահմեդականին, նրանք միավորվում էին այս շարժման մեջ նպատակի միասնությամբ:

Մեխլուի շարժումը չէր կարող, սակայն, զլուրալ խնդիրներ լուծել և կամ ուղղվել Մեֆյան հարստության դեմ, ինչպես գտնում պատմաբան Պ. Հարությունյանը:¹⁴

Հետաքրքրությունից զուրկ չէ այն փաստը, որ զոջալով իր արարքների համար, Մեխլուն իր մեղքերը քավելու նպատակով ի վերջո ուղևորվում է Ե-

րուապեմ: Սա չի՞ վկայում այն մասին, որ նա մնաց իր կրոնին հավատարիմ քրիստոնյա և միայն հոգևորական հարստահարիչների դեմ էր ընդվզել:

Արդ, Սեխլուի շարժումը, որը մեզանում մեծ մասամբ դիտվում է իբրև եկեղեցուց խորտակված գործունեություն, իրականում միավորել էր ասարակրոն և սոցիալապես տարբեր հասարակական շերտեր, որոնց հուզողը, կարելի է ասել, ամենևին էլ կրոնը չէր, այլ սոցիալական անարդարության, շահագործման հարկերի ծանրության այն մթնոլորտը, որի «հեղինակները» տվյալ դեպքում եկեղեցական վեղար կրող ֆեոդալներն էին ու նրանց կամակառարները:

Կրոնների համերաշխության մամանտիպ գաղափարախոսությունը հատուկ է եղել այլ շարժումների և: Ակադ. Ա. Հովհաննիսյանի հետևողական պրպատումների շնորհիվ իրազեկ ենք դառնում Սեխլուի շարժման և նրան ժամանակամերձ առաջավորասիական աղանդավորական շարժումների գուգադիպության փաստերին: Այսպես, 1415-1420թթ. Թուրքիայում բռնկվել է գյուղացիական ապստամբություն Բեդր-եդ-դին Սիմսվի շեյխի գլխավորությամբ, որը կրոնների համերաշխության կողմնակից էր և եղբայրություն էր քարոզում իսլամական, քրիստոնեական և մովսիսական կրոնների միջև: Ուստի և Թուրքիայի տարբեր վիլայեթների տարակրոն գյուղացիները ի նշան սուլթանական դաժան դրվածքների և տեղական ֆեոդալների կամայականությունների դեմ իրենց բողոքի, միավորվեցին Սիմսվի շեյխի շուրջը: Նրանց պահանջների կարևոր կետերն էին՝ ունեւորների սեփականագրկում, քնության բարիքների համայնացում:¹⁵ Սիմսվի շեյխի աշակերտը՝ Մուստաֆան, իրեն հռչակել էր մարգարե և մեծ քանակությամբ համախոհների մեջ առանձնապես մտերմություն էր հաստատել հրեաների և հայերի հետ, իսկ վերջիններս նրա քարոզները տարածում էին Թուրքիայի քրիստոնյաների մեջ, ընդվզումի սերմեր ցանելով նրանց շրջանում:¹⁶

Մահմեդական աղանդավորների մեջ գոյություն ուներ «իսլամը ցեղային խտրանք չի ճանաչում» կարգախոսը, որից օգտվում էին շատ դեպքերում՝ արտահայտելու համար խալիֆաթի ճնշված ժողովուրդների ազատագրական տենչը: 776թ. Մահերաննահբում՝ Սիջին Ասիայում և նրան կից Խորասանում բռնկված հուժկու ապստամբության ղեկավարը՝ Մուքաննան¹⁷ (կամ Աթան), իրեն հայտարարում էր մերթ մարմնացած աստվածություն, մերթ Զրիստոսի կամ Մահմեդի և կամ Աբու-Մուսլիմի հաջորդ:¹⁸ Պարսկական աղբյուրները վկայում են, որ Մուքաննան մեծ ժողովրդականություն էր վայելում, և նրան երկար ժամանակ կարողացել են թաքցնել այնպես, որ խալիֆաթն անկարող է եղել գտնել նրան: Միայն մեծ դժվարություններից հետո 783թ. ապստամբությունը ճնշվեց, իսկ Մուքաննան ինքնասպան եղավ: Ուշադրության է արժանի, որ Մուքաննայի գաղափարախոսության հիմքում ընկած էր Մագդաքի ուսմունքը, ասել է թե՛ շարժման կողմնակիցները հետևում էին Մագդաքի ստեղծած կրոնա-քարոյական նորմերին: Անդրադառնալով այդ շարժմանը:

Մագդաքյան շարժումն առաջացել է 6-րդ դարում Պարսկաստանում. իր գաղափարախոսության հիմքում ունեն գույքի հավասարության, տղամարդկանց հետ կանանց իրավահավասարության սկզբունքները: Շարժումը հենց սկզբից իր մեծաթիվ կողմնակիցների ելակետը համարում էր կրոնական բարեպաշտությունը և Աստծո կամքը: Նրա ուսմունքի կրոնական հիմքերի արտահայտությունն են եղել մի շարք պատվիրաններ, ինչպես՝ միս ուտելու և արյունահեղության արգելքը: «Ի դեպ, վերջին պատվիրանն ուխտադրժարեն չի կիրառվել այն դեպքերում, երբ հաշվեհարդար էին տեսնում իրենց աղանդի հակառակորդների հետ: Իսկ հաշվեհարդարը պարտադիր սկզբունք էր, քանի որ, ըստ Մագդաքի, հասարակությունը բաժանվում էր երկու խմբի՝ «ճշմարիտ հավատքի հետևորդներ» (իմա՝ Մագդաքյաններ) և նրա թշնամիներ: Վերջիններիս ոչնչացնելու ծրագիրը անհրաժեշտ էր, մասնավորապես, ազնվականության դեմ պայքարում, որը զգալի խռովնդատ էր նրանց շարժման ճանապարհին և որն ի վերջո դարձավ շարժման գլխավոր զոհը: Մասանյան Կավադ 1-ին թագավորը ևս իր հաշիվներն ուներ ազնվականության հետ և այս հարցում պատրաստ էր անգամ համագործակցել Մագդաքի հետ: Սակայն, երբ սասանված էին ազնվականության դիրքերը (նրա զգալի մասը պարզապես ոչնչացված էր), Կավադը, որ հասցրել էր բարձր պաշտոններ տալ Մագդաքին ու նրա հետևորդներին, կտրականապես վտխեց իր դիրքերում: շրջվելով և երես թեքելով Մագդաքյաններից: Դա անխուտափելի էր, քանի որ մագդաքյան սկզբունքներն ուղղված էին պետության սոցիալական հիմքերի դեմ: Հետևանքը եղավ ոչ միայն բոլոր մագդաքյանների պաշտոնազրկումը, այլև նրանց անխնա հալածանքը, որը շարունակվեց նաև Մագդաքի տանջամահ արվելուց և շարժման ընդհատակ անցնելուց հետո:

Մագդաքյան շարժումը գաղափարամերժության ակնառու օրինակներ է տալիս և՛ նախահսլամական մյուս (մանիքեություն), և՛ մահմեդական (Աբու-Մուսլիմ, Մուսթաֆ-նոգ, Մուքաննա ևն) ավանդավորական շարժումների հետ: Մագդաքյան գաղափարական արձագանքները նկատելի են նաև թոմարակյան շարժման մեջ, մասնավորապես՝ հանուն գույքային հավասարության, կանանց և տղամարդկանց իրավահավասարության, ընդդեմ բռնության ու ժողովրդի կեղեքման կոչերով:

Նկատենք՝ ուշ միջնադարի հայկական միջավայրում ծագած Մեխլուի շարժման կրոնների համերաշխության գաղափարը գտանք 15-րդ դ. Թուրքիայում գործած Սիմավի շեյխի քարոզչության մեջ, նույն գաղափարը տեսանք Մուքաննայի մարմնավորումների շարքում: Նույն Մուքաննան, ինչպես տեսանք, հետևում է Մագդաքի գաղափարներին, որոնց արձագանքը նկատելի է նաև թոմարակյան շարժման մեջ, իսկ Մագդաքի համար ուղեկից է եղել մի քանի երկրներ հուզած Մանին, որից սնվեցին մեծ թվով աղանդավորական շարժումներ, այդ թվում և՛ պավլիկյան: Այս սիստեմատիկ դիտարկումները կարելի է շարունակել: Անդրադառնալով թվարկված շարքի մյուս աղանդավորական շարժումներին:

Նախ՝ մանիքեության մասին:

Երկասավածության (դուսդիզմի) սկզբունքի վրա էր հենվում նախախաղա-մական խոշորագույն աղանդներից մանիքեությունը, որի դոգմի տակ ծա-վալված շարժումը տևեց գրեթե մեկ հազարամյակ:²⁰ Սկիզբ առնելով 3-րդ - դարում Իրանում²¹, այս աղանդավորական շարժումն իր ժողովրդամետ գաղափարախոսությամբ կարճ ժամանակում բազում համակիրներ նվաճեց: Ըարժման հիմնական գաղափարը երկու հակադիր ուժերի՝ բարու և չարի, լույսի և խավարի գոյության ընդունումն էր: Սակայն ի տարբերություն գրա-դաշտականության, որը գոյություն ունեցած աշխարհը և իրավակարգն ըն-դունում էր որպես համայն լուսավորություն, ըստ Մանիի՝ գոյություն ունե-ցած կյանքը և մարդիկ չար ստեղծագործություն են. մարդն իր ողջ կյանքի ընթացքում պարտավոր է օգնել լուսավոր ուժին՝ պայքարելու չարի դեմ: Իսկ փրկությունը, ըստ Մանիի, հնարավոր է՝ ազատելով մարդու հոգին երկրա-յին, նյութական ձգտումներից: Եվ այս բոլորին հասնելու համար մարդը պետք է խստորեն հետևի սահմանված բարքերին, մասնավորապես՝ բարո-յական կյանք վարի, իսկ ընտրյալների համար առաջադրվում էր ժուժկա-լության առավել խիստ շրջանակ՝ արգելվում էր ամուսնանալ, մսեղեն գոր-ծածել, բույսեր քաղել:

Դժվար չէ նկատել, որ մանիքեական ուսմունքը հարստության ու շվայ-տության նկատմամբ արհամարհանքով հակադրվում էր շահագործող դա-սին ու իշխանությանը: Վաղ ֆեոդալիզմի շրջանն Իրանում, որ բնութագր-վում էր ստրկատիրության մնացուկներով, սոցիալական անհավասարու-թյան և դասակարգային հակասությունների սրմամբ, չէր կարող չստաջացնել հասարակության ստորին շերտերի ատելությունը ճնշող ազատների նկատ-մամբ, ուստի և հարստահարվող ժողովրդական լայն զանգվածների համար մանիքեությունը փնտրված աղանդ էր՝ նյութական կյանքը մերժող գաղա-փարախոսությամբ: Սակայն միայն այսքանը. նյութական կյանքի բացա-սումը զագաթնակետն էր այն պահանջների, որ ընդունակ էին առաջադրել մանիքեականները. հետևաբար և խոսք չէր կարող լինել հասարակության վերավախման կամ, քեկուզ, զինված ապստամբության մասին:

Մանիքեության արագընթաց տարածումը (Իրանից Հայաստան, Բյու-զանդիա, Միջին Ասիա, Չինաստան ևն) ուղիղ համեմատական էր նրա դեմ տարվող հալածանքներին, որոնց սկիզբը դրեց Ասասանյան պետական մե-քենան: Որքան էլ պասիվ էր մանիքեության բողոքը և որքան հեռու էր շար-ժումը հեղափախական լիցքից, նրա նկատմամբ սկզբնական շրջանում մույ-նիսկ անտարբեր պարսից արքունիքն ի վերջո դատապարտեց շարժումը՝ նրա նիհիլիստական քարոզի մեջ գտնելով հակապետական միտում: Հետևանքն էր Մանիի մահապատիժը 276 թ.²² և նրա հետևորդների անցումն ընդհատակ: Դրանից հետո էլ, սակայն, չէր նվազում շարժման ազդեցությու-նը հասարակական կյանքի վրա, որով և պայմանավորվեց մանիքեության երկարակենցությունը:

Պակաս դաժան հետապնդումների չենթարկվեցին նրանք Բյուզանդիայում, որտեղ մույնպես ստիպված էին ընդհատակ անցնել կամ հեռանալ: Հալածանքը տարվում էր մահ նրանով, որ ստեղծվեց այդ աղանդը դատապարտող ստվար գրականություն: Ի դեպ, մանիքեականները ևս ունեցել են գրականությունը, ընդ որում, նրանք տիրապետել են զիրքը զեղարվեստորեն ձևավորելու արվեստին: Վկայակոչելով Իբն-ալ-Ջաուզիին, Ադամ Մեցն իր «Մուսուլմանական վերածնունդ» գրքում գրում է. «Մանիքեական սուրբ գրքերը ևս շքեղ ձևավորված էին»:²³ Նույն հեղինակի հաղորդմամբ՝ 923 թ. Բաղդադի պալատի «հասարակական դարպասների» մոտ հրի մատնվեցին Մանիի պատկերը և 14 պարկ հերետիկոսական գրքեր, և «խաբույկից հետո» էր հալված ոսկի և արծաթ»:²⁴

Մանիքեությունն անժխտելի հետք թողեց հետագայի աղանդավորական շարժումների վրա, ինչպես՝ թոնդրակյան (Հայաստանում), ալբիգոյցիների (Եվրոպայում), բոգոմիլների (Բուլղարիայում) ևն: Որոշ աղանդներ, (օր.՝ մագդաքյան) հաճախ կոչել են Մանիի անվամբ՝ ելնելով նրանց գաղափարական կամ այլ նմանությունից: Ուշագրավ են մանիքեության որոշ պահանջների (բարոյական կյանքի մասին ևն) գաղափարական աղերսները քրիստոնեական պատվիրանների հետ: Մանիի ուսմունքին գաղափարամերձ են, մասնավորապես, Սերաստացիների և պավլիկյանների աղանդները, որոնք մույնպես ընդունում էին բարի և չար աստվածների գոյությունը: «Եղծ աղանդոց» աշխատության երկրորդ՝ «Պարսից կրոնի հերքումը» գրքում Եզնիկ Կողբացին տալիս է Մանիի հայացքների և նրան մոթթագերծ արած զրադաշտականների գաղափարախոսության համեմատական բնութագիրը, եզրակացնելով, որ նրանք միայն վարքով են միմյանցից տարբերվում, իսկ «կրոնով երկուսն էլ մեկ են, նրանք երկարմատյաններ են»²⁵, սրանք՝ մույնպես. նրանք արևասպաշտներ են, սրանք՝ արեգակի ծառաներ. նրանք կարծում են թե բոլոր անշունչները շունչ ունեն, սրանք էլ մույն ձևով (մույնն) են հասկանում»:²⁶ Կողբացին նշում է նաև այլ աղանդների հետ մանիքեության սկզբունքների մոլմության մասին (օր.՝ ամուսնությունը պղծություն են համարել մահ մեսալյանները, Մարկիոնը և այլք): Ե. Տեր-Սիմասյանը մանիքեությունն անվանում է մահ «վերանորոգված մի իրականություն», քանի որ մանիքեության առջև «ուղին արդեն հարթել էր Սիիրի կրոնը»:²⁷ Այս մեկնաբանությունն ուղղակիորեն խոսում է աղանդների գաղափարական կապերի հարցում հաջորդականության թեզի օգտին (այդ մասին՝ ստորև):

7-րդ դարում Արևմտյան Հայաստանում ծայր առավ Պավլիկյան աղանդավորական շարժումը, որ տարածում գտավ մահ Արևելյան Հայաստանում և զրեթե երեք հարյուրամյակում այնպիսի չափեր ընդունեց, որ դարձավ միջմադարյան հակաֆեոդալական շարժումներից ամենագորեղը ոչ միայն Հայաստանում, այլև՝ Բյուզանդիայում:²⁸ Ըարժումը հետևանք էր 5-րդ դ. Բյուզանդիայի կողմից սկսված և աստիճանաբար ուժեղացած քաղաքական ու տնտեսական ճնշումների, որոնք գործադրվում էին ինչպես հայ նախա-

բարությունների, այնպես և աշխատավոր խավերի նկատմամբ:

Պալիկյանների գաղափարախոսությունը, թեև «քազմաճյուղ» էր,²⁹ բայց հիմքում ուներ երկաստվածության սկզբունքը՝ բարի և չար աստվածների գոյության ընդունումը:³⁰ Բարի (այն է՝ երկնային) աստծո արարչագործությունն էին համարում արեգակը և մարդկային հոգին, իսկ չարի ստեղծագործությունը՝ մարդու մարմինը և աշխարհում հաստատված ամեն տեսակ անօրինակությունը, ճնշումը, կեղեքումը անարդարությունը, սոցիալական անհավասարությունը: Ուստի պալիկյանների գլխավոր նպատակն էր պայքարել այդ բոլոր չարիքների դեմ, դրանով իսկ մոտեցնելով այն երանելի ժամանակը, երբ բարի Աստվածը կհշխի այս աշխարհում:

Դժվար չէ կրոնական քաղի տակ նկատել պալիկյան աղանդի աշխարհիկ, դասակարգային բնույթը: Եվ սրա խոսումն փաստերից է աղանդավորների վերաբերմունքը վանականների նկատմամբ: Քանի որ հոգևորականությունը 5-րդ դ. մույնպես իր կռիվն ունի անհարկի կենցաղ էր վարում³¹, իր վարքագծով գալիս էր բորբոքելու հարկերից ու իրավագուրկ վիճակից կքած հայ աշխատավորական զանգվածների դժգոհությունն ու զայրույթը: Վանականների, իբրև շահագործողների, նկատմամբ ատելությունից բխում էր մերժողական վերաբերմունքը եկեղեցու նկատմամբ, թեև պալիկյաններն անվերապահորեն ընդունում էին Քրիստոսին, համարելով նրան երկնային (այսինքն բարի) Աստծո որդի, ինչպես նաև նրա հրեշտակը:

Արդ, ակնհայտ են պալիկյանների գաղափարական աղերսներն այլ շարժումների հետ. հոգևորականների դեմ ըմբոստության և պայքարի գաղափարը, որ ողջ միջնադարի ընթացքում զգալի է տվել իրեն, մենք արդեն հանդիպեցինք Մելիտի և Սիմավի շեյխի շարժումների անդրադարձներում: Ինչ վերաբերում է երկաստվածության գաղափարին, ապա այն հատուկ է եղել նաև մանիքեությանը, Մուքամմալի, Բաբեքի շարժումներին:

Ի դեպ, Բաբեքի աղանդավորական շարժումն առանձնապես նշելի է, քանի որ այն հիմք է տալիս խոսելու ոչ միայն գաղափարական աղերսների, այլև հայոց հետ նրա զինակցության մասին: Անդրկովկասում արաբ զորախմբերը, որոնք ջանում էին ճնշել Աղվանից և Սյունյաց ֆեոդալների՝ Սաել իբն Ամբաթի և Վասակի ապստամբությունը, պարտության են մատնվում Բաբեքի զինակցության հետևանքով:³² Հզոր ու տևական այս աղանդավորական ապստամբությունը սկիզբ առավ Ատրպատականում և արագ տարածվեց հարևան երկրներում, ցնցելով խալիֆաթը: Բաբեքը որդեգրել էր քուտամյանների³³ գաղափարախոսությունը, որոնց վրա խոր ազդեցություն էր ունեցել Մագդաբի շարժումը: Նրանք հետևում էին կրոնական հանդուրժողականության, բնության բարիքների օգտագործման հավասարության, հասարակության մեջ կնոջ իրավագործության գաղափարներին: Քուտամյանների հայացքները դեմ էին խլամի սկզբունքներին, միաժամանակ՝ խալիֆաթին: Բաբեքի ապստամբությանը մասնակցում էին ոչ միայն գյուղացիներն ու արհեստավորները, այլև՝ խալիֆաթից դժգոհ ֆեոդալները: Շարժու-

մը համակրանք էր գտնում տարբեր ժողովուրդների, այդ թվում և՛ հայերի կողմից: Երբ Բաբեքի ռազմական տևական հաջողություններին հաջորդում է տեղատվությունը, և երբ խալիֆ Մուքասիբը բոլոր ուժերը կենտրոնացնելով, ստիպում է Բաբեքին շարունակ նահանջել, վերջինս փախուստի է դիմում Հայաստան: Այստեղ Բաբեքի նկատմամբ համակիրների մեծ թիվն արդյունք էր արաբ իշխողների նկատմամբ հայ ժողովրդի ընդերքում գոյություն ունեցած մեծ ընդդիմության, և մեկ անգամ չէ, որ ըմբոստության ալիքն ավարտվել է ապստամբությամբ: Խալիֆաթի դեմ Բաբեքի զինված ուժերի կարիքն զգում էր հայ ֆեոդալական վերնախավը, որը ժամանակավորապես օգտագործելով Բաբեքի զինուժը, վերջինիս թուլացման հետ դավաճանեց նրան, և վերոհիշյալ նույն Սահլ Իրն Մմբաթը 837թ. կալանեց Բաբեքին և հանձնեց խալիֆաթին: Բաբեքի սպանությունից հետո դեռ երկար շարունակվեց հսկայական ժողովրդականություն վայելող այս շարժման մասնակիցների և խալիֆաթի միջև դաժան ու համառ «երկխոսությունը», որի ընթացքում մահապատժի ենթարկվեցին մեծ թվով քուտամյաններ: Ավելի քան երկու տասնամյակ խալիֆաթի տարածքներն ալեկոծած այդ շարժումը ճնշվեց, սակայն նրա թողած ազդեցությունը հարատևեց, ամենից առաջ, նրանով, որ սնեց ժողովրդական լայն զանգվածների կենսահայեցողությունը, էլ ավելի ամրապնդելով դիմադրական շարժման գաղափարը և իր ավանդը բերելով Արևելքի շատ ժողովուրդների ազատագրական պայքարի ձևավորման գործին:

Ուշադրության արժանի է նաև 9-11-րդ դդ. Հայաստանում ասպարեզ իջած թոնդրակյան աղանդավորական շարժումը (Ա. Հովհաննիսյանի արտահայտությամբ՝ «հեղափոխական ընդդիմություն»): Թոնդրակյանները մերժում էին քրիստոնեական եկեղեցու նվիրապետությունը, նրա խորհուրդները, ծիսակատարությունները, խաչապաշտությունը: Թոնդրակյանների աղանդապետը՝ Չարեհավանցին, Քրիստոսին համարում էր տոսկ «մարգարե», այսինքն գտնում էր նույնը, ինչ՝ իսլամը: Չէ՞ որ Դոդանի մեդիյան տուրաներում Հիսուսը ներկայացված է որպես մարգարե, որն անչափելիորեն ավելի բարձր է, քան հին հրեական աստվածաշնչական մարգարեները:³⁴ Թոնդրակյանները պահանջում էին կանանց և տղամարդկանց իրավահավասարություն, ժխտում էին հանդերձյալ կյանքի և հոգու անմահության գաղափարը, մարդու փրկությունը որոնում էին այս կյանքում, կոչ էին անում, որ վերացվեն ամեն բռնություն, անիրավություն, կեղեքում: Եվ այդ բոլորը՝ առանց եկեղեցու միջնորդության կամ ֆեոդալ իշխանության օգնության: Այն-հայտ է շարժման դասակարգային ուղղվածությունը, հակաֆեոդալական բնույթը:

Իրենց տնտեսական ու իրավական պահանջներով թոնդրակյան շարժմանը հար և նման էին այլ շարժումներ և՛ հայ, և՛ մանհեղական իրականության մեջ, ինչպես պավիկյան, մեսալյան (մծղենական), Բաբեքի, Մուքան-նայի, Մազդաքի ևն:

Առանց շարունակելու անդրադարձը յուրաքանչյուր շարժմանն առանձին, վարձենք ամփոփել աղանդավորական շարժումների գաղափարական աղերսների դիտարկումը՝ խմբավորելով դրանք առանձին հարցերի շուրջ:

Հայ և մահմեդական աղանդավորների գաղափարամերժությունը դրսևորվել է դավանաբանական, սոցիալ-տնտեսական, իրավական ոլորտներում: Նշելի է հատկապես սոցիալական անհավասարության մերժումը, որից բխում էին և գույքի, հարստության ժխտումը կամ սրանց հավասար բաժանման պահանջը: Այս թեզը մասամբ իրագործվում էր համայնքների ստեղծմամբ (ինչպես՝ Մերաստիայի «հերետիկոսական» համայնքները (4-րդ դ.)), որոնց տնտեսական հիմքը գույքային հավասարությունն էր, ասել է թե՛ մասնավոր սեփականությունից հրաժարումը:⁵ Գործադրվում էին նաև առավել արմատական քայլեր, բնակչության ընչազուրկ շերտերը ոտքի էին ելնում և աղանդավորական շարժումը վերածում տնտեսական ու իրավական սլահանջները հետապնդող պայքարի: Ունևորների սեփականագրվման, գույքի բռնագրավման գործողությունները հատուկ են եղել և՛ մահմեդական, և՛ հայ շատ աղանդավորական շարժումների (թոնդրակյան, պալիկյան, Բաբեքի, Մուքաննայի, Միմավիի, Մազդաքի, Քուֆայի³⁶ ևն): Այս սկզբունքի ավելի չափավոր կերպն էր արհամարհանքը հարստության նկատմամբ (օր.՝ մանիքեականների կաղմից): Հավասարության պահանջների մեջ առանձին տեղ ուներ կանանց և տղամարդկանց իրավահավասարության հարցը, որ առաջ էին քաշում թոնդրակյանները, Բաբեքը, Մազդաքը ևն:

Կրոնական հանդուրժողականությունը և տարազգի աղանդավորների միավորումն այս կամ այն աղանդավորական շարժման մեջ հանդիպում ենք Մեխլուի (Հայաստանում), Միմավիի (Թուրքիայում), քուռանյանների (Իրանում), Մուքաննայի (Միջին Ասիա, Խորասան) զանգվածային շարժումների պատմության մեջ:

Դավանաբանական հարցերում գաղափարամերժության օրինակներից է և երկաստվածության (դուալիզմի) ընդունումը, որ առկա էր դեռևս զրադաշտականների մոտ և ժամանակ առ ժամանակ ի հայտ է եկել միջնադարի ընթացքում Եվստաթիոսի ղեկավարած Մերաստացի «հերետիկոսների», պալիկյանների, Մանիի, Բաբեքի, Մուքաննայի աղանդավորական շարժումների գաղափարախոսությունների մեջ:

Ընդհանուր ճանաչում է գտել նաև հոգու վոխանցման և մեսիանիզմի գաղափարը, որ դարերով կենսունակություն էր պահպանում տարբեր ժողովուրդների մոտ (նշենք թոնդրակյաններին, քուռանյաններին ևն) և հարատև է ցարդ:

Ճգնակեցության (ասկետիզմի) տարբեր դրսևորումները, որոնցով արգելվում էին մսակերությունը, ամուսնությունը, բույսեր քաղելը ևն, այս կամ այն չավտվ հատուկ են եղել մանիքեությանը, մազդաքյաններին, մծղնեականներին ևն: Վերջիններս առավել անհանդուրժող են եղել ամուսնության նկատմամբ և այն պղծություն են համարել: Եզնիկ Կողրացու դիտարկմամբ՝

նույնն են քարոզել Մանին, Ջրադաշտը, Մարկիտը: Սեբաստացի «հերետիկոսները» ևս մերժում էին ընտանիքը:

Ավելորդ ենք համարում կանգ առնել դարերով վախանցված գուտ արտաքին ընդօրինակումների վրա (որոշ աղանդապետների սայիտակ հագուստը, դիմածածկումը, 12 թվի սրբացումը ևն):

Համառոտակի անդրադառնանք այն հանգամանքներին, որոնցով պայմանավորված էր հայ և մահմեդական աղանդավորական շարժումների միջև որոշակի աղերսների առաջացումը: Այս հարցը դիտարկելիս առաջին հերթին աչքի է զարնում շարժումների դրդապատճառների, ասել է թե՛ «հարուցիչներին» նույնությունը կամ նմանությունը: Արաբական խալիֆաթի տիրապետության շրջանում շարժումների մեծ մասի համար որպես հարուցիչ է ներկայանում ինքը՝ խալիֆաթը: Բողոքն ու ընդվզումը նրա դեմ ծնվել են նրա հետ մեկտեղ, առաջին չորս խալիֆաներից երեքը սպանվել են ընդդիմության կողմից:³⁷ Խալիֆաթի գրաված տարածքներում իսլամի տարածումն իրականացվել է ոչ միևնույն հաջողությամբ և հենց ի սկզբանե հանդիպել է ընդդիմադիր ուժերի: Հակաիսլամական պայքարի (կրոնական աղանդներ) հետ գրեթե միաժամանակ սկիզբ է սառնում և դասակարգային պայքարը: 7-րդ դ.՝ խալիֆաթի կազմավորման արշալույսին արդեն գոյություն ուներ ընդդիմադիր կազմակերպություն, որը պայքարում էր հանուն շարքային մահմեդականների շահերի՝ նվաճումներով ուռճացած արիստոկրատիայի դեմ: Ի դեպ, դասակարգային պայքարն արտացոլվել է հենց հաղիսներում³⁸, այսինքն՝ իսլամի գաղափարախոսության մեջ և գնալով ավելի խորացող հակաֆեոդալական շարժումներում: Խալիֆաթն ստիպված է լինում հարկային զիջումներ անել, դադարեցնել հալածանքները շիաների և այլ ընդդիմադիր խմբերի դեմ: Սակայն դա չէր կարող փրկել դրությունը: Ե՛վ Օմայան վերջին խալիֆ Մովան II-րդի, և՛ նրան հաջորդած Աբբասյանների օրոք արաբական լուծը նվաճած ժողովուրդների վրա առավել ծանրացավ, մեծ չափերի հասան հարկերը, որոնք ջրատում էին բնակչությանը և ուժ տալիս նրա ընդերքում աճող դժգոհության ու ընդվզումի տարերքին: Չնոռանանք, որ նվաճված ժողովուրդները բազմալեզու, բազմազգ, տարրակրոն հասարակական զանգվածներ էին, որոնք կրելով միևնույն լուծը, գրեթե միատեսակ պայքարի ձևեր էին գտնում՝ միջնադարյան պայմանների բերումով, այն է՝ ապստամբություն այս կամ այն ընդդիմադիր աղանդի դրոշի ներքո: Այս պայմաններում էին գոյանում հայ մահմեդական (նաև ընդհանրապես՝ արևելյան, նաև արևմտաեվրոպական) աղանդավորական շարժումների միջև գաղափարական աղերսները, հանգեցնելով հար և նման ապստամբական պայքարի ձևերի (ընդիմապ մինչև կազմակերպական մանրամասներ):

Խոշոր աղանդավորական շարժումների պատմության մեջ աչքի է զարնում ևս մի օրինաչափություն. շարժումներն իրենց հիմքում ունեցել են ավելի վաղ գոյություն ունեցած շարժումներին հատուկ գաղափարական սկզբունքներ: Օր.՝ 9-11-րդ դդ. ծավալված թոնդրակյան, 7-9-րդ դդ. պավլիկյան շար-

ժամների գաղափարական ակունքները գտնում ենք 5-րդ դ. Մարգարանական Հայաստանում հանդես եկած մեսայյանների և նույն ժամանակ Բյուզանդական Հայաստանում տարածում գտած բողոքոքիստների գաղափարական սկզբունքներում: Նույն երևույթն ակնբախ է մահմեդական աղանդավորական շարժումների պարագայում. ընդ որում, գաղափարական ընդհանրություններ են առկա ոչ միայն ներխալմանական շրջանակներում, այլև վերջիններիս և նախախալմանական շարժումների միջև. և ըստ այդմ էլ հնարավոր է խոսել գաղափարական սերտ կապի մասին Ջրադաշտի, Մանիի, Մագդաքի միջև:

Թեև Ա. Հովհաննիսյանն անընդունելի է համարում մահմ. մտեցումը, «գեներտիկ հաջորդականության» մասին, սակայն իր իսկ բերած օրինակներն ու վերլուծումները նույնն են վկայում: Այսպես, հենց միայն այն փաստը, որ բողոքական աղանդապետ Մմբաա Ջարեհավանցին նպատակ էր դրել ի մի բերելու իրենց ստաջ և իր ժամանակի բոլոր աղանդավորական սկզբունքները, այլ խոսքով՝ իբրև իր նոր գաղափարախոսության ակունք օգտագործել անցյալի վարձը, խոսում է հաջորդականության թեզի օգտին: Անշուշտ, հասարակական-քաղաքական կենսապայմանների և դրանցից բխած խնդիրների ընդհանրությունը կարևորագույն պայմաններն իսկ կարող են կրկնվել պատմության ընթացքում, յուրաքանչյուր ժամանակ յուրովի: Խոսելով 4-րդ դ. Փոքր Հայքում աշխատավորական լայն զանգվածների ընդվզման հետևանքների մասին, Լ. Խաչիկյանն ընդգծում է, որ շարժման մշակած առաջավոր գաղափարները յուրացվեցին հայ ժողովրդի հաջորդ սերունդների կողմից:՞ Կամ՝ «Փոքր Հայքի շարժման գաղափարները այլ սոցիալական պայմաններում ժառանգում ու զարգացնում են նաև նրանց հետևորդ սերունդները»:⁴¹

Ինչպես նշում է Հ. Բարթիկյանը, պավլիկյան շարժման գաղափարախոսությունը մի ժամանակաշրջանի արգասիք չէր, և շատ բան նրա մեջ մուտք է գործել նախորդած աղանդավորական շարժումներից:⁴² Օրինակները և հավաստիացումները մեծաթիվ են:

Ուրեմն, աղանդավորական շարժումների մեջ գաղափարական հաջորդականությունն ակնբախ է և հավաստվում է պատմությամբ:

Վերը դիտարկված և բազում այլ շարժումների բնույթը, իբրև կրոնական քողի տակ ընթացող դասակարգային պայքարի ձև միջնադարում, գալիս է փաստելու այն իրողությունը, որ կրոնական դրոշը, էնգելսի արտահայտությամբ, ամենևին չի փոխում գործի էությունը, և դասակարգային շահերը հեշտությամբ բացատրվում են ժամանակի պայմաններով:

Ուստի միանգամայն տրամաբանական ենք գտնում, որ չնայած բոլոր ժամանակներում աղանդների շատ ցածր վարկանիշին, պատմագիտության մեջ միջնադարյան աղանդավորական-ապստամբական շարժումներին տրվում է «հեղափոխական» մակդիրը (ըստ Ա. Հովհաննիսյանի՝ «ռևոլյուցիոն օպոզիցիա»): Իհարկե, բանն այն չէ, որ աղանդները եկեղեցու դավա-

նական հայացքներից խոտորվելով, մերժում են եկեղեցու միջամտությունը հավատքի գործերում. սա դեռ «հեղափոխական ընդդիմություն» չէ: Այլ է, երբ կրոնական միստիկան և դավանաբանական խնդիրները կապվում են հակաֆեոդալական գործողությունների հետ, վերածում ազգագրական շարժման: Այստեղ արդեն վերջինս ստանում է առաջադիմական նշանակություն և հենց այդպես էլ որակվում «պրոգրեսիվ»: Ըստ Ս. Սելիք-Բախշյանի Սիջնադարյան Հայաստանում աղանդավորական շարժումները ճնշված ու շահագործվող դասակարգերի մասնակցությամբ դառնում էին հեղափոխական-սոցիալական շարժումներ ուղղված ֆեոդալական հասարակարգի դեմ»:⁴³

Մակայն, ոչ բոլոր պատմաբանների կողմից է դա նկատված: Քննադատական խոսք ուղղելով պատմաբան Լեոյին՝ աղանդավորական շարժմանն իդեալիստական դիրքերից տված գնահատականի և ոչ գիտական մոտեցման համար, Լ. Խաչիկյանը գրում է, որ նա «չի կարողացել արժանի գնահատական տալ մծղնյանների պրոգրեսիվ (ընդգծումը մերն է - Լ. Դ.) շարժմանը»:⁴⁴

Դիտարկենք նույն հարցը պարսից պատմագիտության մեջ: Իրանի հմուտ պատմաբաններից Էհսան Թաբաթին, որն ընդարձակ աշխատություն է նվիրել Իրանի հասարակական շարժումներին⁴⁵, խոսելով միջնադարյան մի շարք աղանդների և ժողովրդական շարժումների մասին (ինչպես՝ գինջերի, իսլամականների, դերվիշական շարժումների, «հոռուֆիյե» կոչված աղանդի, բարիների ևն), դրանք դիտում է որպես ազատագրական շարժումներ, որոնց հիմքում ընկած էին նաև այլ կողմեր, ամենից առաջ՝ գաղափարական-բարոյական: Պատահական չէ, որ մագդաքյան շարժմանը վերաբերող գլուխը նա սկսում է Շեյխի Մոհամմեդ Խիաբանիի և Ֆիրդուստ խոսքերից ընտրած բնաբաններով, որոնք ընդգծում են Իրանի ժողովրդի ազատատենչ ոգին: Այսպիսով, պարսից պատմագիտության ներկայացուցիչը ևս աղանդավորական-ապստամբական շարժումների մեջ տեսնում է տնտեսական խթան և ազատագրական գաղափարի դրսևորում, համարելով դրանք պրոգրեսիվ:⁴⁶

Այսպիսով հայ և մահմեդական միջնադարյան աղանդավորական շարժումների միջև գաղափարական աղերսներն ակնհայտ են և արդյունք են սոցիալ-տնտեսական ու քաղաքական միևնույն կամ մոտ մեծ կենսապայմանների առկայության, նաև՝ հետապնդած նպատակների միասնության, իբրև ընդհանրություններ հակաֆեոդալական, ազատագրական շարժումներում և շահագործման, հարստահարման, ճնշումների դեմ պայքարի ձևերում:

Հարկ ենք համարում անվերապահորեն ընդգծել, որ այս կամ այն աղանդավորական դրոշի ներքո ծավալված միջնադարյան հակաֆեոդալական ապստամբություններին տրված հիշյալ գնահատականն ամենևին չի վերաբերվում ներկայիս աղանդավորական զանազան խմբերի ու հոսանքների գործունեությանը (ինչպես՝ քրիշնայականներ, Եհովայի վկաներ ևն): Պատ-

մությանը քաջ հայանի են մման աղանդավորական քարոզչության հեռու-
 ետքը նպատակները, ներառյալ լատինադավան միսիոներական տարրեր
 կազմակերպությունների (օր.՝ կարմելիտների) ծավալած փութաջան գործու-
 նությունը՝ իրենից ցանցը ներքաշելու այլակրոն ժողովուրդների, այդ թվում
 և՛ հայերին: Միջնադարյան դժնդակ պայմաններում հայերը նույնիսկ օտար
 ափերում համառ պայքար են տարել կրոնափոխության դեմ, արժանանա-
 լով այսպիսի գնահատականի. «Հայերն իրենց կրոնի նկատմամբ այնքան
 մոլեռանդ ու հավատարիմ են, որ նրանց մոտ այլ կրոնի մասին խոսել չի լի-
 մի» (Թավերմյե):⁴⁷ Արդ, մեր հասարակությունը չպետք է տրվի բոլոր տեսա-
 կի աղանդավորական քարոզներին և մագաչափ անգամ չպետք է խոտորվի
 հայ առաքելական եկեղեցու դարավոր սկզբունքներից:

SUMMARY

The medieval sectant-liberatory movements were in fact consequences of social struggle, their demands limited to social-economic and juridical ones. The study of these movements show a considerable number of similarities between Christian and Muslim sectant movements. Such movements as Paulician, Thondrakian, Mesalian, Mekhlu, Babek, Mukanna, Abu Muslim etc., mostly were based on one and the same ideological ground - dualism, denial of rich life, equality of sexes.

ԾԱՆՈԹԱԳՐՈՒԹՅՈՒՆՆԵՐ

1. Ս. Մելիք-Բախշյան, Պավլիկյան շարժումը Հայաստանում, Երևան, 1953, էջ 232:
2. Այս ասպարեզում ուշագրավ են՝ Ե. Տեր-Մինասյան, Միջնադարյան աղանդնե-
 րի ծագման և զարգացման պատմությունից, Երևան, 1968, Հ. Բարբիկյան, Աղանդա-
 վորական շարժումները Հայաստանում ըստ միջնադարի հայ և օտար հեղինակների
 (4-5-րդ դդ.) (ՀՍՍՀ ԳԱ «Լրաբեր» հաս. գիտ., 1984, ք. 10), Լ. Խաչիկյան, Փոքր Հայ-
 քի սոցիալական շարժումների պատմությունից (4-րդ դ.), Երևան, 1951, Կ. Տեր-
 Մկրտչյան, Պավլիկյանը Բյուզանդական կայսրության մեջ և մերձավոր հիբժվածա-
 յին երևույթներ Հայաստանի մեջ, Երուսաղեմ, 1938, Ս. Մելիք-Բախշյան, Պավլիկ-
 յան շարժումը Հայաստանում, Երևանում, 1953, Е. Беляев, Мусульманское сек-
 тантство, М., 1957; Я. Ленцман, Происхождение христианства, М., 1960; М.
 Томара, Бабек, М., 1936 ևն:

3. М. Томара, անդ, էջ 31:

4. Այսպես, մագդաքյանների պարտությունից հետո աղանդի երեք հազար հետևորդների դաժան խոշտանգումների ենթարկելով սպանեցին: Եվ քանի որ այդ խոշտանգումները հար և մահն էին միջոցներին, որոնցով տանջամահ էին արվել մանրեականները, վերջին անվանումը վերագրվում էր մահ մագդաքյաններին:

5. «Հայ ժողովրդի պատմության քրեատմատես», հ. I, Երևան, 1981, էջ 735:

6. Ա. Հովհաննիսյան, Դրվագներ հայ ազատագրական մտքի պատմության, գ. I, Երևան, 1957, էջ 365:

7. Անդ:

8. 17-րդ դ. պատմիչ Ջաքարիա Սարկավազը (Ջանաքեղոցի) իր «Պատմագրության» մեջ այս շարժման նկարագրությանն առանձին գլուխ է հատկացրել «Դիպու-ի ածք չարաց ի տորա ժամանկի»: Լինելով հոգևորական, պատմիչն առավել ցավագին էր ընկալում հակակեղեցական ելույթները, ուստի իր գրչի ողջ կարողությամբ ջանում էր նշավակել Մեխյու կոչված աղանդապետի և՛ գաղափարն ու գործը, և՛ անձը (տես - Ջաքարիա Սարկավազ, Պատմագրութիւն, Վաղարշապատ, 1870, հ. 1, էջ 47-53):

9. Օր.՝ 15-րդ դ. 40-ական թթ. Կիրակոս Վիրապիցի կաթողիկոսի կողմից սահմանվեցին կանոններ, որոնցով, իբր, պիտի կանխվեր կրոնավորների րարոյալքումը: Հաղորդելով այդ մասին, Ա. Հովհաննիսյանն իրավամբ նկատում է, որ դրանով հագիվ թե որևէ բան փոխվեց (տես Ա. Հովհաննիսյան, անդ, էջ 467-468):

10. Թուրքերն այդ աղանդապետին հորջորջում էին Մեխյու-բաբա (Ջաքարիա Սարկավազի երկի հրատարակչի բացատրությամբ՝ «բռնաավոր հայր»), իսկ հայրը՝ Մեխյու վարդապետ: Այս անունը տարբեր մեկնաբանումներ է ստացել, կապվելով «մեխ» կամ «տեղ» բառերի հետ:

11. Հագիվ թե Ջաքարիային հայտնի չէր Մեխյուի իսկական անունը, բայց նրա մասին ամբողջ պատումի ընթացքում աղանդավորի դեմ զայրությով լցված պատմիչը ոչ մի անգամ չի հիշատակում նրա անունը, բավարարվելով մականվամբ և սկզբում «այր մի» արտահայտությամբ: Ի դեպ, Ա. Առաքելյանը Մեխյուին քյուրիմացաբար կոչում է Աղվան, ելնելով Ջաքարիա Մարկավազի «այր մի ազգաւ Աղուան» արտահայտությունից (տես Ա. Առաքելյան, Հայ ժողովրդի մտավոր մշակույթի զարգացման պատմություն, հ. 2-րդ, Երևան, 1964, էջ 562-563):

12. Ջաքարիա Սարկավազ, անդ, էջ 49:

13. Անդ:

14. Տե՛ս Ս. Арутюнян, Освободительное движение армянского народа в первой четверти XVIII века, М., 1954, с. 124.

15. Տե՛ս Ա. Հովհաննիսյան, անդ, էջ 475:

16. Տե՛ս Գ. Ибрагимов, Крестьянские восстания в Турции в XV-XVII вв. ("Византийский временник", VII, с. 134) (քերվում է ըստ Ա. Հովհաննիսյանի):

17. Մուրանա՝ արաբերեն նշանակում է քողով ծածկված: Մերվի քմակիչ արհեստավոր Հաշիմ իրն Հաքիմն այս մականվամբ հանդես էր գալիս իբրև ապստամբության ղեկավար:

18. Ա. Հովհաննիսյան, անդ, էջ 356:

19. Ե. Տեր-Մինասյան, անդ, էջ 109:

20. Տե՛ս անդ, էջ 92:

21. Շարժման հիմնադիրը՝ Մանին, ծնվել է մոտ 215թ. Բաքեղում, իսկ քարոզչական գործունեությունն սկսել Քուսիֆում 242 թ. (տե՛ս «Ասիայի և Աֆրիկայի երկրների միջին դարերի պատմություն», Երևան, 1973, էջ 104):

22. Անդ, էջ 105:

23. Адам Мел, Мусульманский ренессанс, М., 1973, с. 250.

24. Անդ, էջ 151:

25. Իմա՝ երկու արմատ ունեցող, դուալիստ:

26. Եզնիկ Կողբացի, Եղծ աղանդոց, Երևան, 1970, «Հայ ժողովրդի պատմության քրեստոմատի», էջ 823:

27. Ե. Տեր-Սիմասյան, անդ, էջ 92:

28. Պավլիկյան շարժման վերաբերյալ առկա են մեծաթիվ հետազոտություններ, որոնց թվում՝ Հ. Բարթիկյան, Պավլիկյան շարժումը Հայաստանում 7-9-րդ դդ. («Հայ ժողովրդի պատմություն», հ. II Երևան, 1984, էջ 389-415), որտեղ բերված է շարժման մասին Անրի Գրեգուարի, Հ. Բարթիկյանի, Է. Լիսչիցի, Ն. Գարոսյանի, Ե. Տեր-Սիմասյանի և այլոց ռատմնասիրությունների թվարկումը:

29. Հ. Բարթիկյանն այդ հանգամանքը քացատրում է պավլիկյան աղանդավորների դասակարգային և էթնիկական բազմազանությամբ, որը պատճառ էր դարձել շարժման ներսում երբեմն զլուխ բարձրացնող տարաձայնությունների և ընդհանուր գաղափարախոսության մեջ տարբեր հոսանքների առաջացման (տե՛ս «Հայ ժողովրդի պատմություն», էջ 399):

30. Պավլիկյան շարժման գաղափարախոսության հանգամանալի դիտարկումը տե՛ս Հ. Բարթիկյան, Պավլիկյան շարժման գաղափարախոսությունը («Լրաբեր» հաս. գիտ., 1979, թ. 8):

31. Այդ մասին Հ. Բարթիկյանը նշում է. «Հոգևորականները զբաղված էին գործատներ պահելով, վաշխառությամբ, նրանք քահանա կամ մույնիսկ եպիսկոպոս էին ձեռնադրում, հաղորդություն էին տալիս դրանով, մասնակցում քառերակյան ներկայացումներին կամ ձիարշավներին և այլն» («Հայ ժողովրդի պատմություն», էջ 390):

32. Տե՛ս Ա. Հովհաննիսյան, անդ, էջ 357:

33. Քառամյաններ կամ խոռամիներ՝ պարս. (Խուրամի) քառից, որը նշանակում է ուրախություն, զվարթություն, կենսուրախություն: Այս աղանդավորները մաքրակենցաղ էին, գիր ու գրականություն սիրող, իսլամի սկզբունքներին ընդդիմացող:

34. Ե. Белая, անդ, էջ 12:

35. Լ. Խաչիկյան, անդ, էջ 51:

36. 685 թ. Քուֆայում շիիզմի դրոշի տակ սկսված ապստամբությանը մասնակցում էին արաբները և պարսիկները, որոնք հարձակվում էին տեղի մեծահարուստների վրա: Նրանց մույնիսկ հաջողվեց որոշ ժամանակով գրավել Քուֆան:

37. Ե. Белая, անդ, էջ 17-18:

38. Հադիսներ՝ իմա մոաուլմանական ավանդության՝ սուննայի, քաղկացուցիչ մասեր:

39. Ա. Հովհաննիսյան, անդ էջ 355:

40. Տե՛ս Լ. Խաչիկյան, անդ, էջ 83:

41. Անդ, էջ 82:

42. Տե՛ս «Հայ ժողովրդի պատմություն», էջ 398-399:

43. Ա. Սելիք-Բախշյան, Պավլիկյան շարժումը Հայաստանում, էջ 232:

44. Լ. Խաչիկյան, անդ, էջ 74:

45. Էհսան Թսւրարի, Հետազոտություն որոշ հասարակական շարժումների և գաղափարայնությունների մասին Իրանում, Թեհրան, 1348 (հեջրի), 406 էջ (պարսկերեն):

46. Անդ, էջ 240. Թաքարին իր միտքն ապացուցում է մոտավորապես «հոռուֆիյե» աղանդի օրինակով:

47. Ֆրանսիացի աշխարհաշրջիկ և վաճառական Ժան Բափթիսթ Թավերնյեն սկսած 17-րդ դ. 30-ական թթ. երկար տարիներ եղել է Իրանում և իր տպավորություններն ամփոփել «ճամփորդագրքում»: Մենք օգտվել ենք գրքի պարսկերեն թարգմանությունից (Թավերնեյ, ճամփորդագիրք, Թեհրան, 1321 (հեջրի), էջ 81):